

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 65 (1980)
Heft: 14

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.03.2025

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

Cun la skizza «La gronda gronda tema» reussescha ei a *Silvio Camenisch*, scolast a Domat, da mussar da maniera perschuadenta co eveniments en sesez banals san survegnir sut certas circumstanzias ina significaziun speciala. A sogn Benedetg e siu «anniversari» ha *dr. Ursicin G.G. Derungs* dedicau il tractat «Expediziun al pol nord». *Dr. Bernard Cathomas*, Cuera, sefatschenta en siu artechel «Scrivi sempel, capeivel e pli cuort» cul problem dalla recepziun e capientscha da texts, cun la relaziun denter quel che scriva e quel che legia. *Stud. iur. Marc Spescha*, Domat, fa cun sia contribuziun «Pratica cristiana sco tradiment da nies beinstar» in confess curaschus per in cristianissem pratic e buca mo teoretic. El davos Ischi semestril ha *Rest Luis Deplazes*, Rabiun, directur dalla scola professiunala Surselva Glion, presentau svilup ed organiziun da quella instituziun, en quest nummer dilucidescha el problems da scolaziun e formaziun. *Tista Murk*, Berna, ei dublamein adattaus per scriver sur dil tema «Bibliotecas en Surselva». Dad ina vart enconuscha el quella regiun fetg bein ord atgna experientscha, da l'otra vart eis el staus tochen avon pauc temps directur dalla Biblioteca populara svizra a Berna. *Lic. fil. Jörg Simonett*, collaboratur scientific dil Museum retic a Cuera, vul interessar in publicum pli vast per caussas culturalas cun sia presentaziun beinillustrada dil Museum retic. *P. dr. Ambros Widmer* sefatschenta puspei ina gada cun la Val Medel e cun P. Placi Spescha. Sco adina ha *Norbert Berther* cumpilau cun tut quitau la Cronica e la gliesta da litteratura. Lavurs pil proxim nummer, che cumpara l'entschatta november, ein da tarmetter alla redacziun entochen l'entschatta uost.

A caschun dalla davosa radunonza da delegai ha la Romania elegiu dus novs redacturs pigl Ischi semestril, numnadamein sora Florentina Camartin, Turitg e Paul Decurtins, Domat. Ad els fagein nus in cordial beinvegni. Als redacturs partents, sur Gion Martin Pelican, Domat e Marcus Defuns, Tavau engraziein nus grondamein per lur buna collaboraziun.

